

松江府志

(嘉慶)

七

松江府志卷三十

學校志

昔言氏與道俱南雲閒夙承雅化聖裔遷託載留環
璧孔宅廟祀

奎章炳然學校之盛甲於他郡矣我

國家崇儒重道文治覃敷析縣裁衛增廣學額

御論經籍輝煌庠序所以鈞陶而涵育之者稱極盛焉因
考元豐立學之始及元明以來次第興修之故詳著
於篇若學田若書院亦得附麗之所以仰副

作人之至意云爾志學校

松江府

府學在集仙門西

舊華亭縣學也宋初廟祀夫子而已未立學元豐七年

知縣事陳謐因邑人衛公佐衛公望獻地且任禮殿之

役始議立學工未興而謐以事去歷知縣事陶融劉鵬

始克就緒鼓鐘告始俎豆權輿衛氏之先厥功鉅矣紹

興中知縣事楊壽亨周極侍其銓參政錢良臣知縣事

楊潛相繼修之

舊有講堂名進德堂至是改爲明倫堂
闢齋五日居仁由義隆禮育才養性

嘉泰中知縣事錢閭復修端平三年知縣事楊瑾以學

舍庠陋遷於今所

至元嘉禾志府治東南一百步舊志
梯雲橋北儒林坊南今坊橋均無考

○改明倫堂為明善堂并齋
為四日體仁集義志道進德
重修建講堂改作齋廬中置詠仁亭後為觀
頤堂作小學於齋後立狀元坊於學東
以前尚為宋學也
至元八年

宋天禧二年重修至聖文宣王廟記略
者嘉禾郡之劇邑也當土敞水煩之地屬風頽俗雜
之餘民無堅正之心世尚剽狡之氣淫神以要其福
佞佛以逃其禍先王之教咸罔聞知廟貌之靈宜夫
委頓自錢氏納土宋運有開年歷寢深邑長相繼殊
未思政理以五常為本五常由夫子而明必有所宗
是宜崇祀率視如弁髦之敝孰能存愛樹之心介於
梵刹之隅甚矣鄭門之困今天子明神所勞禮享聿
修典冊攸存牲幣靡闕而況褒成教本位極真王通
邑之祠不絕如綫非所以副國章之舉廢俾鄉校之
知方少傅劉君是以有志於斯也劉君世編宦族代
傳素風當其至止首謁聖師撥蠡蛸而入戶庭履蔓
草而升堂陞致美且慚於黻冕改為奚及於緇衣列
像墮殘侍坐跛倚徘徊瞻觀俯仰咨嗟不易新規曷

學校志

二

學校上

成大壯爰求隙地得於縣東營爽塏之基委諸薙氏
度中伐之木命以梓人民忘說使之勞吏謹不愆之
素由是重門祕殿敞大廈以眈眈東序西廂亘文櫬
而翼翼後建殖庭之宇用鋪講藝之筵旅楹旣閑陋
堵室之非度縮版以載見宮牆之特高儼辟容而允
穆飾華袞以鮮輝入室之賢佚佚侍坐升堂之衆濟
濟負牆如在之威神備矣致誠之典禮敦焉俎豆嘗
聞風雨攸除嗚呼大道旣隱明王不興儒雅之儔沒
沒無媿矧夫皇猷允塞文命闡揚夫子之英巍煥宜
久豈獨行於萬里長幼之序有倫如能達彼四方齊
魯之風可變執古性惟樂善學媿親師聖門難言誠
甘取誚互鄉與進冀許偕行直書內疚於無文不朽
幸刊於美石歲次戊午閏四月陳執古記
元祐建學記略元祐五年夏四月左宣德郎知秀
州華亭縣事劉侯視事三日謁先聖廟顧新學有
左廡而闕右廡垣墉不立環視旁皇歸則發政以惠
民徐以善言風諭邑內邑內欣喜莫不奔走以承命
於是學始繕完乃屬其佐劉發爲之記謹按華亭大
縣也旁小縣皆有學獨華亭無之蓋浙西善事佛而

華亭尤甚民有羨餘卒盡以施浮屠先聖廟則湫隘卑陋自吳侯爲宰嘗有意遷易後三十年而陳侯謚復議建學是時邑人衛公佐獻地建殿築土治木會陳侯以事去議又罷久之浮屠氏從公佐乞所治材爲佛宇公佐曰此材可朽腐不可移用公佐死浮屠氏又從其子弟求材其子弟固執如公佐之意於是邑人朱賡朱伯夔周揚許洙請於陶侯鎔陶侯白州郡監司擇日鳩工而四人實董其役邑人鮮助成其事者故積久而成於劉侯蓋若有待焉夫致治必先學校學士大夫困布衣必執是說及其人官則背之果何以哉蓋上之人所程督者常在獄訟簿書而考績不急於教化故也以文盛之時建學於多士之地或有其意而不能遂其議或遂其議而不能致其事或致其事而不能成功故記其實以爲上下之勸使後之觀者知成功如此之難無至於廢而不治云劉發記

紹興十五年修學記略華亭於樵李爲大邑其地東南濱海無崇山疊嶂坦然如砥數百里間異人閒出宣和中舍法罷去重以兵革士非里選學閉空舍風揭雨穿日底摧敗上下釋奠執事以胥史素木瓠

學校志

學校上

葉何從觀禮紹興壬戌仲夏蜀郡楊侯出宰是邑下車以故事謁先聖於學慨然有必葺之志屬歲大旱三農廢鉅艾者十八方撫流亡之不暇越明年歲得中熟於是斥羨貲鳩長材乘農隙飭工役經始於十四年正月落成於是歲之杪春殿宇中嚴蕭屏外壯講有堂居有舍齋宿有位賓謁有次帑廩庖饌簾帟器皿纖息畢備其塑繪之不經冕服之非度率按禮象而易之渠渠夏屋輪奐一新時朝廷初行鄉飲酒禮因得序賓於斯春秋補試粉袍雲集按籍得舊贍學田三千畝歲入杭稻七百餘斛益以浮屠之租士食沛然昔唐韋景駿令於肥鄉學廬館舍皆所繕治他日過之見曹悉至迎勞以獲見為幸景駿所以列於循吏者雖其治狀偉然蓋亦興學之有助也今侯秩滿歸朝諸君飽德求兼記之乃書其事左迪功郎縣尉主管學事延平廖兼撰

紹興二十九年修學記略 華亭負海通江有魚鹽稻蟹之饒多富商大賈俗以浮侈相高不能力本業然衣冠之盛亦為江浙諸縣之最雖細家中人衣食纔足喜教子弟以讀書四方之俊歷聘而來受業者

雲集其中秀民才士往往起家爲達官由是競勸於
學居官者不必以擊斷驚猛爲治可以禮義馴服也
往時長吏媮爲一切以軍旅期會爲急應辦調發銳
於集事上下如束濕馴雅之風少衰紹興己卯長興
周侯極來宰是邦下車問風俗則曰無所用斤斧也
乃尊儒生禮賢雋一以文治之先教後罰故習盡革
邑以無事顧瞻學宮垣牆圯漏弗穢不除經師倚席
不講弟子散在黨巷則喟然曰吾邑多君子而學弊
若此顧何以稱父兄之樂育廣師友之淵源卽選於
衆得才敏廉幹之士曰陸南者俾長諸生而會計焉
籍贍學之田獲隱沒之租度廩給之餘悉取充費市
材具募傭傭工正敬傾補罅漏築夷圯易朽蠹勘荒
達堙塞塹堊丹雘廊廡修潔庭戶明煥邑人鄭君雍
復捐私帑設門戟翼以闌楯而夫子之宮儀制始備
廟貌尊嚴過者肅容克昌惟老佛之教以崇飾塔廟
爲植福之本而富家巨室傾資以助其靡今吾儒不
然其宮室有數其械器有等不傷民財有補於世而
爲吾徒者反不能尊其書衛其道視庠序荒涼學徒
解散爲吏者則以力不暇給爲辭而不知崇儒尚賢
爲從政之良策也今周侯尊吾道不鄙夷其民而鄭

學校志

學校上

君欣然附從真可使異端退聽儒術增氣然則周侯之於民鄭君之於子弟可謂得為宰為父兄之道矣

庚辰季冬朔左承事郎新差簽書奉

國軍節度判官廳公事許克昌撰

紹熙五年修學記略學校為育材之地近代從政

者困於簿書期會急於財貨源流至於黌宇之簡陋

眎敲弗支見漏弗補因循苟簡以延歲月雲間之學

歲在甲子鼎新於蜀郡楊公壽亨規模亦具體而微

閱時滋久風雨震凌圯漫不振鄉參錢公復加營繕

厥後新者逾壯者陋未聞以葺治為言余眎事是邦

與學長黃樅謀畫去蠹易堅補罅苴漏繪腹從新經

始於癸丑嘉平訖事於甲寅仲春自是堂可以講齋

可以誦室可以寢步趨有廊廡膳羞有廚傳槩之舊

觀為差勝余所以期待諸生者蓋不敢不勉置門籍

以司出入限齋宿以期勤惰甚者慮廩給之不繼罷

濫竽之員鐫與釜之粟亦既三載於茲教養之心未

始少忘而作華亭縣主管勸農事兼兵馬都監兼鹽

議郎知秀州

場主管堰事

借緋楊潛記

嘉泰三年修學記略 溧陽錢君為縣之明年慨念
 鄉校廢久不治煥新堂宇修飾齋廬凡席具設庖廩
 整辦合試鄉邑人士充弟子員推簡貢士次補職秩
 蓋不獨課試文藝學政大略可觀已華亭之學甲於
 諸縣往時士風之盛不止以文章第太常魁多士蓋
 至於學行淑鄉里事業在政府仗節不屈於強敵擾
 攘之際爭新法而盤樂於擯黜者可數也嗚呼士有
 廢於因循習有安於偷懦三二十年來鄉之善士退
 學於家塾長吏亦視為迂緩不切之務豈國家所以
 建學之意歟至生長鄉里進不能盡見前輩之風流
 退而求益於學校未能也竊聞之問學之道而規矩
 之守氣質之養而德性之充過失相規而道義相勉
 長者有述而少者知敬使風化感於鄉閭而禮遜洽
 於田野則為學其庶幾乎令尹能體國家之意矣凡
 游於學者其亦知所勉耶君名雲間士藪口顧有因
 開禧二年學宮序拜禮記略雲間士藪口顧有因
 陋未遑革者歲元日至相與會拜浮屠之宮開禧二
 年汪侯來蒞茲邑或以是相與會拜浮屠之宮開禧二
 明於學古也吾里人講是禮於州校雖異爵者率序

以齒傲而行可乎翼日薦紳冠帶總集翼宇序立大成殿下潔豆籩釋菜俾士之高年者主祀事禮竟循廡而升布席進德堂相鄉而拜少長從其次子弟則列父兄後魚貫雁行間間雅雅侯與僚佐盛服觀禮嗣歲之二日亦如之邑子諸生退而合謀曰是其可不書尊師嚴儀敬也示化熾俗仁也貴老順長義也一舉而三善具侯誠知治本歟林卿昨典番學聞范文正公出守時政用名教厚俗爲先後進於長者修慶朔之拜惟謹侯今小試一邑心惟范公是師諸父兄弟盍世守之以毋忘鄒魯是邦之意侯名立中嘗舉外臺進士今通朝籍

假五品服云胡林卿記

端平三年重建學記略

華亭故有

先聖廟慶歷

後郡縣皆有學於是縣立學宮以附於廟紹興紹熙雖加繕治然旣數十年矣今令會稽楊公瑾始至振乏逮鰥東奸摘隱一年而擗節浮蠹儲米三千石爲平糶倉又一年度地鳩材遷大成殿前門後閣左右二廡而館鄉賢於夾又東甃泮水建講堂一齋廬八令佐之款謁有次諸生之養有廩通爲垣以宮之翼翼沈沈邃嚴靖深俾來以圖請記成事予惟論學校

者未有不傷教法之壞議科舉者未有不歎辭章之
靡經生學士尚論比閭之法庠塾之教則悼王制之
不可復鳴呼侯封井牧去籍二千年矣是未可以驟
復也自鄉治廢而民散朝夕無閭塾之教歲時無庠
序之屬死徙不相知出入不相友緩急不相賙而爲
民父母者沈於簿書期會救過不贍於是姦胥亂民
緣飾爲欺吏以官爲市民與吏爲讎違其常心以陷
於辟今之民豈誠不古若哉況吳中人物之盛魏晉
而後彬彬輩出虞魏之昆顧陸之裔居華亭者爲尤
著其地負海枕江平疇沃野生民之資用饒衍得以
畢力故士奮於學民興於仁代生人材以給時須乃
自近歲遽以華亭爲不易治令不具官胥橫民肆簿
書漫漶獄訟繁滋銓曹注擬往往有希望然去之者
吁何至是哉記曰凡釋奠者必有合也或謂合他國
之先賢而祀之然則是邦有如宣公自可謂人物之
標準地靈人傑千古不磨作而興之非守令事邪唐
人詩稱敬輿爲縣人而志不書其何以爲刑善化俗
之助楊君建學之初揭堂曰明善合思孟相傳之旨
與諸生發明冠佩林立聽者皆竦上以誠感下以誠
應矣予旣嘉楊君之爲又歎敬輿鍾美是邦而人未

學校志

學校上

松江府志

卷三十一

一

之知故表而出之其自今父詔師傳斯游斯息玩聖
賢之所學何事以無忘賢令尹之德安知如敬輿者
不數數遇也九月壬戌資政殿學士通議大夫提舉
臨安府洞霄宮臨卽郡開國侯食邑一千五百戶實
封三百戶
魏了翁記
淳祐六年增修學記略 古者王畿千里六鄉之內
無非教者自二十五家之間必有塾由家而黨由黨
而術無人不學施君退翁家山陰而仕華亭其在扶
馮猶六鄉也上而道達德意下而考其德行道藝非
夫人之責而誰歟國家建都吳會逾百年矣而華亭
之爲縣公卿將相由此而出不減王畿之盛而求其
人物挺然若尹吉甫之詠歌於詩劉康公之談道於
春秋鮮有聞者由夫小學之教不行於童穉之時大
學之道不立於成人之後故也縣故有學卑隘不稱
端平閒楊金部瑾因其地而闢之魏鶴山爲之記然
猶以地迫而陋不及增廣以待後人施君治化修明
民安其政旣庶而教不能不以鄭校魯宮爲疑君曰
吾之職也因米廩餘積而裁度補助之周墉五十丈
左右前後四面而立芟薙其蓁蕪增益其沮洳昔行

其右今左爲涂內立講堂後爲之軒兩廡對峙四齋
並立後建小學三楹工役材植悉依市直七月告成
毫髮無侵於民朋來友習相觀而善教養之道於是
乎備記其本末以詔方來端午日華文閣直學士中
大夫提舉江州太平興國宮食邑
五百戶賜紫金魚袋王遂撰并書

元世祖至元十五年置松江府而以華亭縣屬焉於是
鄉之華亭學陞爲府學而縣學移他所元貞初知府張
之翰卽魁星樓故址作貢舉堂大成殿後故有藏書閣
教授馬允中重建二俊堂於閣之西廡以陸贄配享名
三賢祠皇慶初江南諸道行御史臺檄榜講堂曰明倫
齋曰進德育才守中常德二年知府申杲重修延祐中
知府汪從善始備大成之樂至正二年達魯花赤哈只

徙藏書閣三賢祠於北以拓學址中建先聖殿旁列兩廡前闢三門重修

廣如其舊五年知府王至和製執事者冠服十年教授

三之一倪駿新學舍撤廟門易以石十五年知府崔思誠改觀

頤堂爲養賢始範金爲祭器十六年楊完者軍亂縱火

焚學舍訓導胡存道死之十九年同知顧述重修改大學

爲五經齋重建三賢祠於閣北貢士堂二十四年知府

王立中置十三經等書於閣中

元貞元年貢舉堂記略聖上嗣登大寶之初詔天下議行貢舉適松江郡學魁星樓基新堂成之翰因以貢舉名夫貢舉之設始於隋盛於唐實賓興之遺意國家崇尚儒術自戊戌一試後時相梗其議而止
今天語丁寧以人材爲第一義雖鄉舉里選未易復如明經如宏辭如詩賦論策次第舉行特反掌然則

向之私議又安得齟齬於其閒松江古華亭凡陸鄉
之英顧黨之秀及鄰境之俊異有能體朝廷之意振
學校之風游於斯聚於斯使斯文不絕是知樓亡而
堂堂中之星亦未嘗不耀也正月望日朝列大夫松
江府知府兼勸
農事張之翰記
重修講堂記略
真定申侯守松江之明年癸丑百
廢具舉而學爲先學之修而講堂爲大堂作於宋端
平閒今八十年扶傾支危震陵且壓於是梁柱榱桷
之腐瓦甍戶牖之圯一皆新之高明靚深規制頓復
搢紳折旋其中藹然崇化善俗之意侯旣報政還朝
吾黨之登斯堂也撫遺蹟而重去思時相茲役者教
授嘉興沈德華亦代去乃謀於今教授薛鈇請爲之
記肅惟斯學唐陸宣公實生於此建學立師國家教
育之盛夫豈月講季試而已哉據案而誦成說曷若
疑難答問之爲益糊名而校藝曷若課其功而訂正
之爲警切篤實光輝必有副作成之望者而肅不足
以發之延祐七年十月前寧國路儒學教授龔肅記
至正三年重建廟學記略
松江在唐爲華亭縣宋
初州縣未有學長吏循故事廟祀孔子而已慶歷中